



# Ақмешіт

15 шілде  
сенбі

№55 (1962)

2023 жыл

Газет  
1994 жылдың 15 сәуірінен  
бастап шығады

Қалалық қоғамдық-саяси әлеуметтік-  
ақпараттық тарихи-танымдық газет •  
E-mail: akmeshtit.kz@mail.ru

## апталығы

### ЖАҢА ЗАҢ: ОНЛАЙН ӘЛЕМНІҢ ЖАУАПКЕРШІЛІГІ

Шілденің айтарлықтай жаңалықтарының бірі – Мемлекет басшысының «Онлайн-платформалар және онлайн-жарнама» туралы заңға қол қойды. Жаңа заңның медиа саласы үшін әкелер жаңалығы және ел игілігіне әкелер пайдасы қандай деген сұрақ жоқ емес. Жалпы еркін ақпарат тарату алаңына айналған әлеуметтік желілерді заңмен реттеу мәселесі көптен бері айтылып келеді.



2 БЕТТЕ

### АЙМАҚТАҒЫ СУ ТАПШЫЛЫҒЫ ТҰРАҚТЫ БАҚЫЛАУДА



Жиында тиісті сала мамандарынан құрылған арнайы жұмыс тобының шаруашылықтарға суды кезекпен беруді бақылауға алғандығы айтылды. Бұл ретте жоғары орналасқан жерлерге су жеткізу үшін сондай-ақ қашыртқыдағы суды екінші рет пайдалану үшін 351 насос қондырғысы жұмыс істеуде. Дегенмен мәселе мұнымен толық шешілмейтіні анық.

Аймақта су тапшылығын болдырмау үшін шілде-тамыз айында Шардара су қоймасынан секундына 200 текше метрден кем су түспеуі және төменгі ағысқа секундына 500 текше метр су жіберілуі қажеттігі айтылды. Бұл тиісті сала мамандары тарапынан үнемі бақылауда болуы тапсырылды.

Сонымен қатар биыл аймақ басшысының тапсырмасына сәйкес бақша дақылдарын ету үшін 3342 гектар жер дайындалған. Оның 1021 гектарына картоп, 866 гектар аумаққа көкөніс, 1395 гектарға бақша дақылдары егілген. Бақша дақылдарын егуге тұрғындардың сұранысы артқан. Ол үшін қажетті қосымша жер сұрап, егін егуге ынта білдіргендер көп. Бақшалық жер берудің шаруаға қолайлы әрі тұрмысына да оң ықпал еткенін ескерсек, ойдағыдай өнім алу үшін су тапшылығына ұшырамау қажет. Жиында бұл мәселе де тыс қалмады.

Салаға жауапты мамандар жағдайды бақылауда ұстап, су беруді реттеп отырғанын айтқанымен, шаруалардың да өз уәжі бар. Сондықтан қала, аудан әкімдері мен жауапты басқарма басшыларына «Қазсуар» республикалық мемлекеттік кәсіпорны Қызылорда филиалымен бірлесіп, дақылдардың нақты су тұтыну нормасына сәйкес су беру кестесін шаруалармен келісе отырып үйлестіру, су деңгейін көтеру бойынша тиісті жұмыстар жүргізуді тапсырды.

Алдағы уақытта бақшалық жерді жергілікті тұрғындардың сұранысына сәйкес жоспарлап, олардың сұранысын қанағаттандыру жайы да сөз болды. Сондай-ақ тиісті басшыларға егінге су беруді үйлестіріп, жиын-терімге дейін барлық жұмыстарға тұрақты бақылау жасау жүктелді.

«Ақмешіт-ақпарат»

2 БЕТТЕ

### АУЫЛДЫ ҚОЛДАУДЫҢ БІР ҮЛГІСІ



Ауылдарды дамыту, елдегі ағайынның еңсесін көтеру мақсатында ел Президентінің жарлығымен ауылдарды дамытуға арналған тұжырымдама қабылданғаны белгілі. Тұжырымдама жүзеге асса, тұрмысы кері кеткен ауылдардың бір серпіліп қалары сөзсіз. Сондай-ақ тұжырымдама аясында «Ауыл аманаты» бағдарламасы жүзеге асып, ауыл тұрғындарына кәсіп бастауға жеңілдетілген несие берілемек. Бұл бағыттағы жұмыстар жүйелі жүзеге асуда.

Аймақта ауылдарды дамыту мақсатында облыс әкімінің қолдауымен биылдан бастап «Үлгілі елді мекен» облыстық байқауы ұйымдастырылды. Қаланы абаттандыру, елді мекендерді дамыту, оның ішінде ауыл тұрғындарының өмір сүру сапасын жақсарту, оларға жайлы орта жасауды мақсат еткен конкурс талаптары алдын ала жұртшылыққа тыныстырылды. Үздік елді мекендерді анықтау үшін азаматтық қоғам өкілдерінен, халық қалау-

лыларынан, тәуелсіз журналистер мен экобелсенділерден құрылған тәуелсіз сарапшы комиссия жұмыс жасап, шешім қабылдады. Байқау шарты бойынша облыстағы үздік ауылдарды және Қызылорда қаласындағы үздік шағын аудандарды анықтады. Осы аптада байқау қорытындысы бойынша жеңімпаздар анықталып, аймақ басшысы Нұрлыбек Нәлібаев жеңімпаздарды марапаттады.

2 БЕТТЕ

#### ӨЗІМІЗДІҢ ӨНІМ

### Құрт қалай «Qurtella» болды?



Негізі бұл бизнес 15000 теңгемен басталды. Жұмыс істеп жатқанымызға 1 жыл болған жоқ. Бірақ аз уақыт ішінде халыққа ұнап, өнім сұранысқа ие болды, көп жағдайда тұтынушылар тойбастарға және мерекелерде алып жатады. Қазіргі таңда кәсібіміз қарқынды дамуда, 1 айдың ішінде 5000-10000 данаға дейін сатылады. Алдағы уақытта көптеген жаңа технология алып, кәсібімізді әлемдік деңгейге жеткізу ойда бар. Себебі қазір тәтті құрт тек қол жұмысымен жасалып жатыр. Цехта бар-жоғы бес адам жұмыс істейді. Оның бірі сатушы, ал қалған үшеуі осы өнімді жасаумен айналысады. Осы кәсіп арқылы жұмыссыздар санын азайтуға үлесімізді қосып жатырмыз. Құрттың дәмін тек жерлестеріміз емес, шетел азаматтары да татып көрді. Халыққа ұнағаны соншалық, құрамын сұрап, алғысын жеткізеді. Тауар толық сертификатталған, патенттелген, барлығы заңды. Алдағы уақытта бүкіл Қазақстанды тәтті құртпен қамтысақ деген арман да бар. Қытай тауарын тұтығанша өз өндірісімізді қолдайды деген ойдамыз, – деді «Qurtella» өнімінің иесі Нұрсұлтан Қалмағамбет.

Жалпы «Qurtella» өніміне келсек, оның кара, ак шоколад, банан, баблгам, алма және құлпынай дәмімен жасалған алты түрі бар. Құрттың дәмі мен дизайны ерекше, көз тартарлық. Әсіресе тәтті сүйер бүлдіршіндер үшін таптырмас өнім екені айdan анық. Негізнен мектеп оқушылары және кішкентай балалар сатып алады. Соңғы мәліметтерге сүйенсек, Өзбекстан Қазақстан үшін жылына елу миллион тонна құрт өндіреді екен. Айта кетейік, тәтті «Qurtella» құрт өнімін осы күнге дейін қаламызда ешкім жасап көрмеген. Тұңғыш рет ашылған тәтті құрттың алар белесі алда.

Жуырда Қызылорда қаласының өңірлік коммуникациялар қызметінің ұйымдастыруымен көшпелі брифинг өтті. Брифинг барысында қалада жаңадан ашылған «Qurtella» құрт өнімінің жұмысымен таныстық.

### Алғыспен алға адымдаған «Дәнекер»



ДЕНСАУЛЫҚ

Аймақта құрылыс жұмысы қарқын алып, зәулім тұрғын үйлер, еселі әлеуметтік нысандар тек қалада емес, аудандарда да көптеп салынып жатқанын жақсылыққа баладық. Бұрын құрылыс компаниялары саусақпен санарлық болса, бүгінде оның саны артқан. Солардың арасынан жұмысы тиянақты, құрылыс саласында тәжірибесі мол – «Дәнекер» құрылыс компаниясы. Мұның дәлелі – Тасбөгеттегі 200 орынға арналған қоспалы балалар ауруханасы. Компанияның іргелі істерінің

бірі – 6 млрд теңгеден астам қарқын алып, зәулім тұрғын үйлер, еселі әлеуметтік нысандар тек қалада емес, аудандарда да көптеп салынып жатқанын жақсылыққа баладық. Бұрын құрылыс компаниялары саусақпен санарлық болса, бүгінде оның саны артқан. Солардың арасынан жұмысы тиянақты, құрылыс саласында тәжірибесі мол – «Дәнекер» құрылыс компаниясы. Мұның дәлелі – Тасбөгеттегі 200 орынға арналған қоспалы балалар ауруханасы. Компанияның іргелі істерінің

3 БЕТТЕ

### Дефектологқа жүгінетін бала көбейді

Бүгінде «бала тілі – бал» дейтін қазақ баласының тілі уақытында шықпай, қатарынан қалып бара жатса, алаңдайтыны рас. Айналамыздан «балам дұрыс сөйлемейді», «тілі анық емес», «жақсы логопед маманы керек» деген пікірді жиі естиміз. Бұрын шет елдерде тіл мүкестігі мен ерекше балалардың сөйлеу дамуының тежелуін көп еститіміз. Ал соңғы

жылдарда бізде де балалар арасында өзекті мәселеге айналды. Сондай-ақ логопед-дефектолог маманына сұраныс артауда. Оған не себеп? Атана нені ескеруі керек? Осы орайда облыстық балалар ауруханасындағы оңалту бөлімінің логопед-дефектолог маманы Қарлығаш Мәдібекқызымен сұхбаттасқан елік.

4 БЕТТЕ





## АЛҒЫСПЕН АЛҒА АДЫМДАҒАН «ДӘНЕКЕР»



«Дәнекер» ЖШС басшысы Әбдімәжит Жансақаловтың айтуынша, «Дәнекер» ашық акционерлік қоғамы 1997 жылы бұрынғы «СПМК-1 Агропромтехника» негізінде құрылып, сол жылдары Байқоңыр қаласында және Қызылорда қаласы мен облыс аудандарында тұрғын үйлер мен мектептерді жылыту, сумен жабдықтау, көріз жүйесін жөндеу жұмысымен шұғылданған.

— 2003 жылы «Дәнекер» ашық акционерлік қоғамы «Дәнекер» құрылыс компаниясы жауапкершілігі шектеулі серіктестігі болып қайта құрылды. Сол жылдардан бері көптеген құрылыс монтаж жұмысын атқарып келеміз. Мәселен, Жаңақорған, Сырдария және Жалағаш ауданындағы көптеген елді мекенде «Таза су» бағдарламасына сәйкес ауызсу жүйесін жаңарту, қайта қалпына келтіру және күрделі жөндеуді, Қорқыт ата атындағы әуежай ғимаратының құрылысын, орталық стадионның ғимаратын қайта жаңартуды, қалалық туберкулезге қарсы диспансер ғимаратының күрделі жөндеу жұмысын орындадық. Бір жұмыс түрімен шектеліп қалмай, құрылысқа қатысты жұмыстың бәрін атқарамыз. Абаттандыру, көркейту, су құбырларын тарту секілді жұмыстарды жүзеге асырдық.

Компания басшысының айтуынша, 2004-2010 жылдар аралығында серіктестік Жосалы кентіндегі 60 орындық туберкулезге қарсы күрес диспансерін, тәулігіне 150 дана цистерна жуатын станция құрылысын, Сырдария ауданындағы Асқар Тоқмағанбетов ауылында 150 орындық клубты, қаладағы «Халыққа қызмет көрсету орталығын», Арыскүм кеніші базасындағы 200 орындық вахталық поселке құрылысын және жана КІРС базасын, ұзындығы 4 228 метрлік Жібек жолы каналын мен ұзындығы 1824 метрлік ирригациялық жүйе құрылысын, «Тағзым» алаңын салып, Теренөзек кентін абаттандыруға атсалысқан. Қаладағы көптеген нысанға құрылыс монтаж жұмысын жүргізу осы мекемеге сеніп тапсырылған.

Сонымен қатар 2011 жылы құрылыс компаниясы Теренөзек кентінің көшелерін және аурухана аумағын абаттандырып, «Әйтеке» каналында жауу жүргіншілер көпірі құрылысын салып, аталған кент көшелеріне орташа жөндеу жүргізді. Бұған қоса, аудан орталығындағы 1200 орындық мектеп құрылысын 2008 жылы бастап, 2011 жылы аяқтап, кент халқына қуаныш сыйлады.

Сол жылы серіктестік Шиелі ауданындағы Нартай Бекежанов ауылынан 600 орындық мектеп салып, жаңа оқу жылында ұстаздар мен оқушыларға тарту етті. Осылайша жыл санап серіктестіктің жұмысы да қызы түсті. 2012 жылы Жалағаш ауданына қарасты Жаңадария ауылында фельдшерлік-акушерлік пункт, Теренөзек кентінде жас мамандарға арналған 3 тұрғын үй құрылысын жүргізіп, межеленген уақытта сапалы орындап шықты.

Қала орталығында, алыс ауылдарда қолтаңбасы қалған құрылыс компаниясы елдің

үмітін ақтап келеді. Ең бастысы оның қызметіне ел риза. Сондықтан құрылыс компаниялары арасында беделі жоғары. 2013 жылы мекеме Жаңақорған ауданына қарасты Сүттіқұдық елді мекенінде 90 орындық балабақшаны, Шиелі ауданында 250 орындық емхана құрылысын салып, межеленген кестеге сай орындап шықты.

Әр жылғы жасалған жұмыстың артында үлкен жауапкершілік тұрғанын терең түсінген компания басшысы санға емес, сапаға жұмыс істеуді ұстаным етіп келеді. 2012-2013-2014 жылдары серіктестік «Ақбұлақ» бағдарламасына сай Теренөзек кентіне, Инкәрдарияға, Ақтөбе елді мекеніне, Тәжібаев, Алмалы ауылындағы жеке тұрғын үйлерге ауызсу құбырын тартты.

Ал 2014 жылы Жаңақорған ауданы, Жайылма ауылында 250 орындық мектеп, Жаңақорған кентінде 50 орындық балабақша тұрғызып, жаңақорғандықтардың ризашылығына бөленді.

Сол жылдың маусымында Тасбөгет кентінде 200 орындық көпсалалы балалар ауруханасы құрылысын сәтті аяқтап, нысан 2016 жылы пайдалануға берілді. Сонымен қатар «Нұрлы жол» бағдарламасымен қаладағы «Арай» шағын ауданында 60 пәтерлі №21, № 22 екі тұрғын үй, Жаппасбай батыр көшесінде 40 пәтерлі тұрғын үй салып, қалалықтардың игілігіне берді.

Күннің ыстық-суығына қарамай, маңдай термен еңбек еткен құрылыс қолды құрылысшылардың еңбегіне тандай қағатынымыз рас. Қаланың желі мен аптап ыстығының өтінде жүріп еңбек ететіндердің көпшілігі қызылордалықтар екен. Соншама алып құрылысты салу үшін әрине, жұмыс қолы көп болуы керек. Серіктестік басшысының айтуынша тұрғын үйдің сипаты мен санынан сапасы маңызды. Мұндайда құрылысшылардың тәжірибесі алдымен ескеріледі. Бұл орайда жиырма жылдан астам талай ауқымды құрылыс нысанының кірпішін қалаған бірінші санатты лицензиясы бар компания сенім үдесінен шығып келеді. Құрылыс материалдарының басым бөлігі өз цехында жасалғаны жеткізді. Өзге құрылыс компаниясынан артықшылығы, кірпіш, бетон, терезе де өздерінде өндіріледі.

— Өзіміздің мамандар Өзбекстаннан келетін бригадалардың алдын орап, құрылыс басынан табылғанына қуандым. Себебі өзіміздің қаржымыз өзімізде қалуы керек.

Сіз қазақы нақышты қызыл үйлердің көп салынғанын байқадыңыз ба? Сырдың ауа райына, жел мен дауылына қасқайып тұратын мықтысы сол — қызыл кірпіш, — дейді мекеме басшысы.

Шынында, «Дәнекер» құрылыс компаниясы» ЖШС-ның атауын ылғи да еңселі нысандардың ашылу салтанатында естиміз. Тәуелсіздік жылдарынан бері құрылыс саласының бел ортасында жүрген, әлеуеті жоғары компания елге адал қызмет етуде.

Ауыз толтырып айтуға лайық зор жауапкершілік жүктейтін қаншама шаруаның тиянақты атқарылуына белсенді атсалысып,

компанияның үздіктері қатарынан көрінуіне ұйытқы болған мекеме басшысы Әбдімәжит Жансақаловтың еңбегі зор.

«Дәнекер» салған құрылыс нысанының қай-қайсысын алсақ та, мін таппайсың. Мәселен, Нәлібаев ауылында сәулеті келіскен 300 орындық жаңа мектеп 2017 жылы салынса, Түгіскен елді мекенінде 140 орындық балабақша 2018 жылы пайдалануға берілді.

Осы жылы «Дәнекер» құрылыс компаниясы қаланың Сырдария өзенінің сол жақ жағалауында 38 пәтерлі тұрғын үй мен «СПМК-70» шағын ауданында 60 пәтерлі екі тұрғын үй пайдалануға берілді.

2018 жылы Теренөзек кентінде 18 пәтерлі тұрғын үй және 18 пәтерлі төрт тұрғын үй бой көтеріп, кент келбетін айшықтап, тұрғындарға құтты шаңырақ болды.

Ал 2019-2020 жылдары құрылыс компаниясы қалаға қарасты Шұғыла шағын ауданы, Зейнолла Шүкіров көшесіндегі 35 пәтерлік, Айтмұрат Шаменов көшесіндегі 60 пәтерлік және Қараша көшесіндегі 40 пәтерлік тұрғын үйді пайдалануға берді.



Сонымен қатар 2021 – 2022 жылдары Сырдария өзенінің сол жағалауындағы 40,50, 60 пәтерлік, Ақмаржан шағын ауданы, Жаппасбай батыр көшесіндегі 50 пәтерлік №1 тұрғын үй салуды өз міндетіне алды.

Қазіргі уақытта Қызылорда қаласының сол жағалауында облыстық қан орталығын, (пайдалануға тапсырылатын мерзімі 2024 жыл), 10 тұрғын үйдің, 50 пәтерлі №3,4,5 тұрғын үйінің құрылысын жүргізде.

Сондай-ақ Жаңақорған ауданына қарасты М.Нәлібаев, Ақжол ауылдарында спорттық кешен құрылысын, Сырдария ауданы Н.Илиясов елді мекеніндегі көшелерді қайта жаңғыртуда. Бұған қоса Ақжол ауылының кіре берісіне көпір салуда.

Сол жағалаудағы 60 пәтерлік бір үйді, 40 пәтерлік екі үйді және Г.Мұратбаев көшесінің бойындағы үш қабатты бір тұрғын үйдің қабырғасын қалауда. Аталған нысандар жыл соңына дейін пайдалануға берілмек.

Сонымен қатар келер жылға дейін Жайылма, Қожамберді ауылында су тарту құрылысын қайта жаңғыртпақ. Шиелі ауданы Еңбекші ауылдық округіне қарасты Қосүйеңкі елді мекенінде және Ортақшыл ауылдық округіне қарасты Қызылқайың елді мекенінде бас су қоймасының құрылысы басталмақ.

Компанияның әр жылдардағы еңбегі еленип, марапатқа ие болып келеді. Атап айтқанда, 2006 жылдың қорытындысы бойынша компания облыс әкімдігінің сертификатты мен «Сыр сәулеті» номинациясына ие болды. 2009 жылы Еуропалық кәсіпкерлер Ассамблеясының шешімімен серіктестік директоры Әбдімәжит Жансақалов «2009 жылдың үздік менеджері» медалімен, 2008 жылы «Қазақстанның құрметті құрылысшысы» атағымен марапатталды. Ал «Дәнекер құрылыс компаниясы» ЖШС Австрия астанасы – Вена қаласында өткен ХХІ ғасыр көшбасшылары бүкілхалықтық имидждік бағдарламасы лауреаттарының дипломын иеленді. 2014 жылы «Ерен еңбегі үшін» медалін, 2016 жылы «Қызылорда қаласының Құрметті азаматы», 2020 жылы «Құрмет» орденімен марапатталды. «Жақсының жақсылығын айт нұры тасысын» дегендей, жауапкершілігін де, қайырымдылық жасауды да бір сәт ұмытқан емес.

Мекеме халыққа көмек көрсетуге, әлеуметтік жағдайы төмен отбасыларға, бір сөзбен айтқанда, қайырымдылық жасауды естен шығарған емес.

Ең бастысы жергілікті жерде құрылысшы маман дайындауда, сапалы құрылыс салуда «Дәнекер» компаниясының үлесі зор.

Ғайһап ҚОЖАХМЕТОВА

Биыл қаламыздың сәулетіне сән қосып, әдемі көркін ашатын бірнеше ғимараттың іргетасы қаланды. Соның бірі — Сырдария өзенінің сол жағалауында заманауи талаптарға сай жаңа көпқабатты үйлер, емхана, аурухана және басқа жаңа құрылыс нысандары бой көтеріп келеді. Сонымен қатар ғимаратының қарқынды «Қан орталығының» құрылыс жұмыстары жүрде.

## «ҚАН ОРТАЛЫҒЫ» ҚҰРЫЛЫСЫ ҚАРҚЫНДЫ



Аталған ғимараттың іргетасы 2022 жылдың тамыз айында қаланды. Шамамен 2,4 гектар жерге салынып жатқан нысанның аумақты құрылыс көлемі 25020 шаршы метрді құраса, жалпы ауданы 7108 шаршы метр. Ор-

жоспарланған. Бүгінде ғимарат құрылысы аяқталып қалды деуге болады.

— Қазіргі таңда құрылыс нысанының үш қабаты, жертөле, техникалық қабат әрі ғимарат жанындағы автоұтрақ пен



талықта донорлық плазма және аферезді тромбоцит алу, донорлық қанды сақтау, медицина ұйымын қанмен қамтып, қан құю, қан құрамын зерттеу қызметі жүргізіледі. Одан бөлек изоиммунологиялық және клиникалық-биохимиялық, жұқпалы аурулар мен полимеразды тізбекті реакцияны зерттейтін болады.

Жоба бойынша 18 айға белгіленген ғимараттың құрылысы қарқынды жүргізілуде. Аталған құрылыс нысанын жергілікті бюджет есебінен қаржыландыруда. Оның сметалық құны 2.85 млрд теңгені құрайды. Былтыр жоба құрылысына 250 млн теңге қаражат жұмсалған. Ал биыл 1 млрд теңге қаражат бөлініп, оның 808 млн теңгесі игерілген. Қалған қаражат келер жылға дейін игеріліп, 2024 жылы жоспар бойынша пайдалануға беру жоспарлануда. Жалпы «Қан орталығы» құрылысының мерзімі он сегіз айға

Нәзира МҰҚАТАЕВА  
Суретті түсірген Нұрболат  
НҮРЖАУБАЙ



